

Põlva ja Võro maakunna kuurõ ütime keväjäkonsõrt Põlvan

Neläpäävä, 9. aprillil kell 19.00 oll Põlva Muusikakoolin Põlva naisikoori Mai, Võru segäkoori Hilaro ja Põlvamaa miihikoori ütime keväjäkonsõrt. Kannõti ette võrokeelitsit laulõ, noidõ sian võrokeelitside koorilauludõ ja -säädide konkursi parõmbit ja muidoki anti kätte konkursi auhinna':

Mart Siimer – eriauhind (8000 kr) „Kõgõ parõmb laul opnu koorilõ“ segäkoorilaulu „Maarja ja tsirgu“ (sõna' Raimond Kolk) muusika iist.

Alo Ritsing – auhind (5000 kr) „Kõgõ laulupidolikumb laul“ naisikoorilaulu „Valgõ väreht“ (sõna' Paul Haavaoks) muusika iist.

Priit Pajusaar – auhind (3000 kr) „Hää vahtsõnõ koorilaul“ segäkoorilaulu "Võromaa laulu" muusika iist . Eriauhind (1000 kr) samalõ laululõ tettüide vahtsidõ sõnnu iist lätt Aapo Ilvesele.

Alo Ritsing – auhind (3000 kr) „Teküs laul miihikuurõlõ“ laulu „Soe' lätsi' orgo pite“ (sõna'Kalle Eller) muusika iist.

Hain Hõlpus – auhind (2000 kr) „Kimmähe säet koorilaul vahtsõmba viie pääle“ segäkoorilaulu "Lodi tuu ja lodi vii" sääde iist .

Alo Ritsing – auhind (2000 kr) „Põnõvahe säet koorilaul rahvaligu laulu perrä“ segäkoorilaulu „Istsõ ma maailma veerekese pääle“ sääde iist.

Konsõrt oll üts 29. mail 2010. aastal Põlvan tulõva II Uma Pido ettevalmistuisist. Kõnsõrdilõ sai sisse massulda.

2010. aastagal Põlvan Intsikurmun tulõva II võrokeelitse laulupido Uma Pido repertuaari saamisõs kuulut Võro Selts VKKF 2008. aastaga oktoobrin vällä konkursi. Konkursilõ tull 17 tüüid. Naidõ sian olli inämbüsen segäkuurõlõ kirotõdu teose', a oll ka laulõ miihi- ja naisikuurõlõ. Pruugitu oll nii vahtsit ku joba olõman tekste ja laulõ, säädit tull ka rahvalaulõlõ.

Teosit hinnas viieliikmeline žürii: helilooja Piret Rips, Eesti Kooriühingu mentor ja koorijuht Heli Jürgenson, I Uma Pido kuurõ üldjuht Silja Otsar ja Põlva maakunna koorijuhi' Saidi Tammeorg ja Kalev Lindal. Edimädse kotussõ pääle teossidõ hindamisõl pand žürii asjatundliku helikeele mõistmisõ. Rahalisõ' avvuhinna saiva' 6 teost, tõisi autoriid peeti meelen tenokirju ja kingitüisiga. Nii avvuhinna saanu ku mitmit tõisi töid pruugitas är järgmäidsi umakeelitside pidodõ laulõ hulgan. Om võimalik, et mõnõ sääde'-laulu' tahtva' viil säädmist, tuun asjan võtva' pido kõrraldaja' autoriidega kontakti. Konkursi auhinnafondi teivä uma' panussõ' Eesti Kultuurkapitali rahvakultuuri sihtkapital ja Võru ja Põlva ekspertgrupi'.

Teedüs: Triinu Ojar, II Uma Pido kõrraldustoimkunna liigõ, tel 533 22 153